

# CBETA電子佛典集成

---

CBETA Chinese Electronic Tripitaka Collection  
eBook

T54n2140

## 摩尼教下部讚

# 目次

- [編輯說明](#)
- [章節目次](#)
  - [讚夷數文](#)
  - [歎無常文](#)
  - [普啟讚文](#)
  - [稱讚忙爾具智王](#)
  - [一者明尊](#)
  - [收食單偈](#)
    - [1\\_第一疊](#)
    - [2\\_第二疊](#)
  - [初聲讚文](#)
  - [歎諸護法明使文](#)
    - [1\\_第一疊](#)
    - [2\\_第二疊](#)
    - [3\\_第三疊](#)
  - [歎無上明尊偈文](#)
  - [歎五明文](#)
    - [1\\_第一疊](#)
    - [2\\_第二疊](#)
  - [歎明界文](#)
- [卷目次](#)
  - 1
- [贊助資訊](#)

## 編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

No. 2140

摩尼教下部讚

□□□□□□□□思一那里思咄鳥噓詵伊鳥噓詵  
 □□□□□□□□布思(三)那里思咄麗(引所嫁反)伊所紘[耳\*  
 已]□布□□□□□□伊鳴噓詵于呬所倒(五)奴嚕阿勿倒(六)奴嚕  
 □□□(吉八)門嘔利呼唵吽(九)謀蘇吽噎而坭緩(十)奴噓呼詘鬱  
 □□(□□反引聲)涅薩底(十一)拂羅辭所底(十二)鬱喏夷囉紗[□\*  
 曼]□(引)□(十三)□覽讚夷數文

□禮稱讚常榮樹	眾寶莊嚴妙無比
擢質彌綸充世界	救葉花□□□□
一切諸佛花間出	一切智惠菓中生
能養五種光明子	能降五種貪□□
心王清淨恒警覺	與信悟者增記念
如有進發堅固者	引彼令安平正路
我今蒙開佛性眼	得覩四處妙法身
又蒙開發佛性耳	能聽三常清淨□
是故澄心禮稱讚	除諸亂意真實言
承前不覺造諸愆	今時懇懺罪銷滅
常榮寶樹性命海	慈悲聽我真實啟
名隨方土無量名	伎隨方土無量伎
一切明性慈悲父	一切被抄憐愍母
今時救我離豺狼	為是光明夷數□
大聖自是無盡藏	種種珍寶皆充滿
開施一切貧乏者	各各隨心得如意
大聖自是第二尊	又是第三能譯者
與自清淨諸眷屬	宣傳聖旨□□悟
又是第八光明相	作遵引者倚託者
一切諸佛本相貌	一切諸智心中王
諸寶嚴者真正覺	諸善業者解脫門
與抄掠者充為救	與纏縛□能為解
被迫迕者為寬泰	被煩惱者作歡喜
慰愈一切持孝人	再蘇一切光明性
我今懇切求哀諸	願離肉身毒火海
騰波沸涌無暫停	魔竭出入吞船舫
元是魔宮羅刹國	復是稠林簾筆澤
諸惡禽獸交橫走	蘊集毒虫及蚊蝮
亦是惡業貪魔體	復是多形卑訢期
亦是暗界五重坑	復是無明五毒院

亦是無慈三毒苗  
 上下寒熱二毒輪  
 一切魔男及魔女  
 又是三界五趣門  
 一切魔王之暗母  
 又是猛毒夜叉心  
 一切魔王之甲仗  
 能沈寶物及商人  
 一切地獄之門戶  
 徒搖常住涅槃王  
 今還與我作留難  
 令我如狂復如醉  
 大地草木天星宿  
 如我所犯諸愆咎  
 廣惠莊嚴夷數佛  
 聽我如斯苦痛言  
 願施戒香解脫水  
 洗我妙性離塵埃  
 願除三冬三毒結  
 降大法春榮性地  
 願息火海大波濤  
 降大法日普光輝  
 願除多劫昏癡病  
 降大法藥速醫治  
 我被如斯多障礙  
 大聖鑒察自哀[弟\*令] 救我更勿諸災惱  
 唯願夷數降慈悲  
 現今處在火坑中  
 一切病者大醫王  
 諸四散者勤集聚  
 我今以死願令蘇  
 魔王散我遍十方  
 令我昏醉無知覺  
 無明癡愛鎮相榮  
 大聖速申慈悲手  
 一切時中恒守護  
 與我本界已前歡  
 盡我明性妙莊嚴

復是無惠五毒泉  
 二七兩般十二殿  
 皆從肉身生緣現  
 復是十方諸魔口  
 一切惡業之根源  
 復是貪魔意中念  
 一切犯教之毒網  
 能翳日月光明佛  
 一切輪迴之道路  
 竟被焚燒囚永獄  
 枷鎖禁縛鎮相縈  
 遂犯三常四處身  
 大地塵沙及細雨  
 其數更多千萬倍  
 起大慈悲捨我罪  
 引我離斯毒火海  
 十二寶冠衣纓珞  
 嚴飾淨體令端正  
 及以六賊六毒風  
 性樹花菓令滋茂  
 暗雲暗霧諸纏蓋  
 令我心性恒明淨  
 及以魍魎諸魔鬼  
 噤以神呪驅相離  
 餘有無數諸辛苦  
 解我離諸魔鬼縛  
 速引令安清淨地  
 一切暗者大光輝  
 諸天心者令□□  
 我今已暗願令照  
 引我隨形染三有  
 遂犯三常四處身  
 降大法藥令瘳愈  
 按我佛性光明頂  
 勿令魔黨來相害  
 院我曠劫諸煩惱  
 如本未沈貪欲境

復啟清淨妙光輝	眾寶莊嚴新淨土
琉璃紺色新惠日	照我法身淨妙國
大聖自是吉祥時	普曜我等諸明性
妙色世間無有比	神通變現復如是
或現童男微妙相	癡發五種雌魔類
或現童女端嚴身	狂亂五種□□□
自是明尊憐愍子	復是明性能救父
自是諸佛最上兄	復是智惠慈悲母

## 讚夷數文 第二疊

懇切悲嗥誠心啟	滿面慈悲真實父
願捨所造諸愆咎	令離魔家詐親厚
無上明尊力中力	無上甘露智中王
普施眾生如意寶	接引離斯深火海
懇切悲嗥誠心啟	救苦平斷無顏面
乞以廣敷慈悲翅	令離能跣諸魔鳥
無知肉身諸眷屬	併是幽邃坑中子
內外[墀-采+(乞-乙+口)]	塞諸魔性
一切惡獸無能比	一切毒蛇何能類
復似秋末切風霜	飄落善□□□□
懇切悲嗥誠心啟	美業具智大醫王
善知識者逢瘳愈	善慈愍者遇歡樂
有礙無礙諸身性	久已傷沈生死海
肢節四散三界中	請聚還昇超萬有
更勿斷絕正法流	更勿拋擲諸魔口
降大方便慈悲力	請蘇普厄諸明性
莫被魔軍却抄將	莫被怨家重來殺
以光明翅慈悲覆	捨我兩般身性罪
唯願降大慈悲手	按我三種淨法身
除蕩曠劫諸纏縛	沐浴曠劫諸塵垢
開我法性光明眼	無礙得覩四處身
無礙得覩四處身	遂免四種多辛苦
開我法性光明耳	無礙得聞妙法音
無礙得聞妙法音	遂免方般虛妄曲
開我法性光明口	具歎三常四法身
具歎三常四法身	遂逸渾合迷心讚
開我法性光明手	遍觸如如四寂身

常時害我清淨體

遍觸如如四寂身	遂免沈於四大厄
解我多年羈絆足	得履三常正法路
得履三常正法路	速即到於安樂國
令我復本真如心	清淨光明常間寂
清淨光明常間寂	永離迷妄諸顛倒
願我常見慈悲父	更勿輪迴生死苦
諸根已淨心開悟	更勿昏癡無省覺
我今依止大聖尊	更勿沈迷生死道
速降光明慈悲手	更勿棄擲□魔□
懇切悲嘯誠心啟	降大慈悲恒遮護
恕我曠劫諸愆咎	如彼過去諸男女
我是大聖明羔子	垂淚含啼訴冤屈
卒被豺狼諸猛獸	劫我離善光明牧
降大慈悲乞收採	放入柔濡光明群
得[弟*頁]秀岳法	山林 遊行自在常無畏
復是大聖明穀種	被擲稠林荆棘中
降大慈悲乞收採	聚向法場光明窖
復是大聖蒲萄枝	元植法菌清淨苑
卒被葛勒騰相遶	抽我妙力令枯悴
復是大聖膏腴地	被魔[廿/(栽-木+方)]蒔五毒樹
唯希法鑷利刀鎌	斫伐焚燒令清淨
其餘惡草及荆棘	願以戒火盡除之
榮秀一十五種苗	申暢一十五□□
復是大聖新妙衣	卒被魔塵來塗染
唯希法水洗令鮮	得[弟*頁]法身清淨體
懇切悲嘯誠心啟	眾寶莊嚴性命樹
最上無比妙醫王	平安淨業具眾善
常榮寶樹性命海	基忙堅固金剛體
苾幹真實無妄言	枝條脩巨常歡喜
眾寶具足慈悲葉	甘露常鮮不彫果
食者永絕生死流	香氣芬芳周世界
已具大聖冀長生	能蘇法性常榮樹
智惠清虛恒警覺	果是心王巧分別
懇切悲嘯誠心啟	具智法王夷數佛
令我肉身恒康[弟*頁]	令我佛性無纏污
一切時中增記念	令離能吞諸魔□
令離能吞諸魔□	永隔惡業貪□□
放入香花妙法林	放入清淨濡羔群

令我信基恒堅固  
懇切悲嘯誠心啟  
能救我性離災殃  
作寬泰者救苦者  
與我明性作勸愉  
能摧刀山及劒樹  
難治之病悉能除  
我今決執法門悊  
慙懃稱讚慈父名

令我得人堪褒譽  
慈父法王性命主  
能令淨體常歡喜  
作慈悲者捨過者  
與我淨體作依止  
能降師子噤虻蝮  
難捨之恩令相離  
大聖慈愍恒遮護  
究竟珍重願如是

### 歎無常文

末思信法王為暴君所逼因即製之

告汝一切智人輩  
具智法王忙憫佛  
我等既蒙大聖悟  
決定安心正法門  
又告上相福德人  
努力精修勿閑暇  
一切世界非常住  
如彼磧中化城閣  
世界榮華及尊貴  
如雲涌起四山頭  
臭穢肉身非久住  
如春花葉暫榮柯  
當造肉身由巧匠  
成就如斯窟宅已  
無恩飢火充連鎖  
終日食噉諸身分  
積聚一切諸財寶  
無常之日並悉留  
先斷無明恩愛欲  
未來緣彼受諸殃  
苦哉世間眾生類  
日夜求財不暫停  
肉身破壞魔即出  
隨所生處受諸殃

各聽活命真實言  
咸皆顯現如目前  
必須捨離諸恩愛  
勤求涅槃超大海  
專意勤求解脫者  
速即離諸生死怕  
一切倚託亦非真  
愚人奔逐喪其身  
以少福德自在者  
聚以風吹速散罷  
無常時至並破毀  
豈得堅牢恒青翠  
即是虛妄惡魔王  
網捕明性自潛藏  
殺害眾生無停住  
仍不免於生死苦  
皆由惡業兼妄語  
仍與明性充為杻  
彼是一切煩惱海  
現世充為佛性械  
不能誠信尋正路  
皆為肉身貪魔主  
罪業殃及清淨性  
良為前身業不正

愛惜肉身終須捨  
一切財寶及田宅  
縱得榮華於世界  
捨除憍慢及非為  
生時裸形死亦爾  
男女妻妾嚴身具  
迴獨將羞并惡業  
平等王前皆屈理  
還被魔王所縮攝  
或入地獄或焚燒  
歌樂舞啖諸音樂  
皆如夢見[目\*交]還無  
子細思惟無倚託  
世諦暫時諸親眷  
暮則眾人共止宿  
妻妾男女如債主  
併是慈悲怨家賊  
食肉眾生身似塚  
枉殺無數群生類  
佛性湛然閉在中  
貪婬饑火及先殃  
世界漸惡恒怱迫  
眾生唯加多貧苦  
修善之人極微少  
貪婬饑魔熾燃王  
對面綺言恒相競  
於聖光明大力惠  
眾生多被無明覆  
謗佛毀法慢真僧  
汝等智人細觀察  
建立之時緣何造  
一切有情諸形類  
如此並是祕密事  
善業忙爾具開揚  
汝等尋求解脫者  
布施持齋勤讀誦  
憐愍怕懼好軌儀  
踊躍堅牢於正法  
共捨一切惡軌儀

但是生者皆歸滅  
意欲不捨終相別  
摧心須厭生死苦  
專意勤修涅槃路  
能多積聚非常住  
死後留他供別主  
無常已後擔背負  
却配輪迴生死苦  
不遇善緣漸加濁  
或共諸魔囚永獄  
嚙噉百味營田宅

還無 子細思惟無倚託

豈殊客館而寄住  
旦則分離歸本土  
皆由過去相侵害  
所以意分還他力  
又復不異無底坑  
供給三毒六賊兵  
煩惱逼迫恒受苦  
無有一時不相煮  
上下相管無歡娛  
富者魔驅無停住  
造惡之輩無邊畔  
縱遇善緣却退散  
元無羞恥及怕懼  
非分加諸虛妄語  
不肯勤修真正路  
唯加損害不相護  
大界小界作由誰  
損益二條須了知  
世界成敗安置處  
究竟萬物歸何所  
顯說一切諸性相  
應須覺了諦思量  
用智分別受淨戒  
依因此力免災隘  
勤修智惠如法住  
決定安心解脫處

寧今自在為性故 能捨一切愛欲習  
無常忽至來相逼 臨時懊惱悔何及  
子細尋思世間下 無有一事堪憑在  
親戚男女及妻妾 無常之日不相替  
唯有兩般善惡業 隨彼佛性將行坐  
一切榮華珍玩具 無常之日皆須捨  
智者覺察預前修 不被魔王生死侵  
能捨恩愛諸榮樂 即免三毒五欲沈  
普願齊心登正路 速獲涅槃淨國土  
七厄四苦彼元無 是故名為常樂□

### 普啟讚文

末夜暮闍作

普啟一切諸明使 及以神通清淨眾  
各乞愍念慈悲力 捨我一切諸愆咎  
上啟明界常明主 并及寬弘五種大  
十二常住寶光王 無數世界諸國土  
又啟奇特妙香空 光明暉輝清淨相  
金剛寶地元堪譽 五種覺意莊嚴者  
復啟初化顯現尊 具相法身諸佛母  
與彼常勝先意父 及以五明歡喜子  
又啟樂明第二使 及與尊重造新相  
雄猛自在淨法風 并及五等驍健子  
復啟道師三丈夫 自是第二尊廣大  
夷數與彼電光明 并及湛然大相柱  
又啟日月光明宮 三世諸佛安置處  
七及十二大船主 并餘一切光明眾  
復啟十二微妙時 吉祥清淨光明體  
每現化男化女身 殊特端嚴無有比  
又啟五等光明佛 水火明力微妙風  
并及淨氣柔和性 並是明尊力中力  
復啟富饒持世主 雄猛自在十天王  
勇健大力降魔使 忍辱地藏與催明  
又啟闍默善思惟 即是夷數慈悲想  
真實斷事平等王 并及五明清淨眾  
復啟特勝花冠者 吉祥清淨通傳信

最初生化諸佛相  
又啟喚應警覺聲  
三衣三輪大施主  
復啟四十大力使  
一一天界自扶持  
又啟普遍忙憫尊  
從彼大明至此界  
詮束十二大慕闍  
法堂住處承教人  
又詮新人十二體  
具足善法五淨戒  
一切諸佛常勝衣  
其四清淨解脫風  
又啟善法群中相  
詮束一切本相貌  
復告竇空一切眾  
及諸天界諸天子  
又啟善業尊道師  
自救一切常勝子  
復啟光明解脫性  
及彼最後勝先意  
我今諦信新明界  
唯願各降慈悲力  
我今專心求諸聖  
解我得離眾災殃  
敬禮清淨微妙風  
恒於四處光明宮  
清淨光明大力惠  
慈父明子淨法風  
一切光明諸佛等  
與我離苦解脫門  
又歎善業修道眾  
各開清淨甘露口  
末夜今修此歎偈  
而於聖凡諸天眾  
復啟一切諸明使  
各降大慈普蔭覆  
清淨光明力智惠

及與三世慈父等  
并及四分明兄弟  
及與命身卉木子  
并七堅固莊嚴柱  
各各盡現降魔相  
閻默惠明警覺日  
敷楊正法救善子  
七十有二拂多誕  
清淨善眾并聽者  
十二光王及惠明  
五種智惠五重院  
即是救苦新夷數  
真實大法證明者  
上下內外為依止  
上中下界無不遍  
大力敬信尊神輩  
護持清淨正法者  
是三明使真相貌  
及以堅持真實者  
一切時中無盡藏  
并餘福德諸明性  
及與於中常住者  
蔭覆我等恒觀察  
速與具足真實願  
一切罪障俱銷滅  
本是明尊心中智  
遊行住止常自在  
我今至心普稱歎  
并及一切善法相  
各願慈悲受我請  
令我速到常明界  
過去未來現在者  
吐大慈音捨我罪  
豈能周悉如法說  
咸願無殃罪銷滅  
及以神通清淨眾  
拔除我等諸愆咎  
慈父明子淨法風

微妙相心念思意 夷數電明廣大心  
又啟真實平等王 能戰勇健新夷數  
雄猛自在忙爾尊 并諸清淨光明眾  
一切善法群中相 一切時日諸福業  
普助我等加勤力 功德速成如所願

次偈宜從依梵。

伽路師羅[口\*亡](一)伽路師立無羅(二)伽路師阿嚙訶(三)呬[耳\*巳]  
訖哩吵(四)伽路師奧卑嚙(五)伽路師奧補忽(六)伽路師奧活時雲[口\*  
能](七)鬱于而勒(八)鳴噓嚙而雲伽(引九)鬱佛呬不哆(舌頭)漢沙嚙(十)  
醫羅訶耨呼邏(十一)醫羅訶紇彌哆(十二)夷薩烏盧誥(十三)祚路鬱于呬  
(十四)伽路師(十五)伽路師(十六)

### 稱讚忙爾具智王

諸慕闍作

稱讚忙爾具智王 自是光明妙寶花  
擢幹彌輪超世界 根果通身並堪譽  
若人能食此果者 即得長生不死身  
或復嘗彼甘露味 內外莊嚴令心喜  
即是眾生倚託處 策持令安得堅固  
能與我等無生滅 豈不齊心稱讚禮  
珍重珍重慈父名 究竟究竟願如是

### 一者明尊

那羅延佛作

一者明尊 二者智惠 三者常勝  
四者歡喜 五者勤修 六者真實  
七者信心 八者忍辱 九者直意  
十者功德 十一者齊心和合  
十二者內外俱明 莊嚴智惠  
具足如日 名十二時 圓滿功德

### 收食單偈

大明使釋

一者無上光明王 二者智惠善母佛  
 三者常勝先意佛 四者歡喜五明佛  
 五者勤修樂明佛 六者真實造相佛  
 七者信心淨風佛 八者忍辱日光佛  
 九者直意盧舍那 十者知恩夷數佛  
 十一者齊心電光佛 十二者惠明莊嚴佛  
 身是三世法中王 開揚一切祕密事  
 二宗三際性相義 悉能顯現無疑滯

### 收食單偈 第二疊

無上光明王智惠 常勝五明元歡喜  
 勤心造相恆真實 信心忍辱鎮光明  
 宜意知恩成功德 和合齊心益惠明  
 究竟究竟常寬泰 稱讚稱揚四處佛

### 初聲讚文

夷數作

義理幽玄。宜從依梵。

于[口\*忍]喝思[口\*能](一)蘇昏喝思[口\*能](二)慕嚙嚙落思[口\*能]  
 (三)唵呼布喝思[口\*能](四)喋夷里弗哆喝思[口\*能](五)阿羅所底弗  
 哆喝思[口\*能](六)佛呬弗哆喝思[口\*能](七)呼于里弗哆喝思[口\*  
 能](八)訴布哩弗哆喝思[口\*能](九)呼史拂哆喝思[口\*能](十)[口\*舟  
 \*巳]哩响吽爾弗哆喝思[口\*能](十一)[口\*舟\*巳]吽哩弗哆喝思[口\*  
 能](十二)呼味無娑矣弗哆喝思[口\*能](十三)弗啗以弗哆喝思[口\*能]  
 (十四)弭呬哩麼爾弗哆喝思[口\*能](十五)那呼味喝思[口\*能](十六)阿  
 雲那[咻-木+爾]詵喝思[口\*能](十七)阿拂哩殞喝思[口\*能](十八)薩  
 哆(舌中)嚙詵喝思[口\*能](十九)雲那囉吽于而嚙喝思[口\*能](二十)呬  
 [打-丁+慕][口\*彘]烏盧詵喝思[口\*能]烏盧詵喝思[口\*能](二十一)  
 止訶(舌根)哩娑布哩弗哆(惣與前同)

### 歎諸護法明使文

子黑哆忙爾電達作

有三疊

鳥列弗哇阿富覽	彼驍踴使護法者
常明使眾元堪譽	願降大慈護我等
無上貴族輝耀者	蓋覆此處光明群
是守牧者警察者	常能養育軟羔子
真斷事者神聖者	遊諸世間最自在
能降黑暗諸魔類	能滅一切諸魔法
進途善眾常提策	於諸善業恒祐助
與聽信者加勤力	於諸時日為伴侶
又復常鑒淨妙眾	令離怨嗔濁穢法
勤加勇猛無閑暇	令離魔王犯網毒
寥藹一切諸明性	自引入於清淨法
訶罰惡業諸外道	勿令損害柔和眾
光明善眾加榮樂	黑暗毒類令羞恥
下降法堂清淨處	自榮善眾離怨敵
顯現記驗為寬泰	能除怕懼及戰慄
持孝善眾存慰愈	通傳善信作依止
滅除魔鬼雜毒焰	其諸虛妄自然銷
備辦全衣具甲伏	利益童男及童女
一切魔事諸辛苦	如日盛臨銷暗影
常作歡樂及寬泰	益及一切善法所
接引觀贈不辭勞	利益觸處諸明性
歡樂寬泰加褒譽	普及同卿光明眾
唯願驍勇諸明使	加斯大眾堅固力
自引常安泰寬處	養育我等增福業

## 歎諸護法明使文 第二疊

護正法者誠堪譽	所謂大力諸明使
無上光明之種族	普於正法常利益
如有重惱諸辛苦	聖眾常蠲離淨法
碎散魔界及魔女	勿令對此真聖教
能除怨敵諸暗種	安寧正法令無畏
救拔羔子離豺狼	善男善女寧其所
芸除惡草淨良田	常自鑒臨使增長
弱者策之加大力	慄者偶之使無懼
同卿真眾須求請	如響魔應聲速來赴
一切時中策淨眾	其樂性者常加力
造惡業者令羞恥	修善業者令歡喜

清淨法門令寬泰	又復常加大寧靜
我實不能具顯述	此歎何能得周悉
勇族所作皆成辦	伎藝彌多難稱說
尊者即是劫傷怒思	其餘眷屬相助者
一切時中應稱讚	為是究竟堪譽者
唯願令時聽我啟	降大慈悲護我等
任巧方便自遮防	務得安寧離怨敵
唯願法門速寬泰	巍巍堂堂無障礙
我等道路重光輝	遊行之處得無畏
歡樂慕闍諸尊首	乃至真心在法者
各加踴躍及善業	必於諸聖獲大勝

### 歎諸護法明使文 第三疊

諸明使眾恕我等	慈父故令護我輩
無上善族大力者	承慈父命護正法
既於明群充牧主	所有苦難自應防
是開法者修道者	法門所至皆相倚
護樂性者棄世榮	並請遮護加大力
柔濡羔子每勤收	光明淨種自防被
法田荊棘勤科伐	令諸苗實得滋成
既充使者馳驛者	必須了彼大聖旨
復與法體元無二	平安護此善明群
世界法門諸聖置	專令使眾常防護
既充福德驍踴者	實勿輕斯真聖教
頭首大將[耳*已]	俱孚 常具甲仗摧逆黨
大雄淨風能救父	勅諸言教及戒約
福德勇健諸明使	何故不勤所應事
勿懷懈怠及變異	莫被類於犯事者
必須如彼能牧主	掣脫羔兒免狼虎
彼大威聖降魔將	是上人相常記念
元化使眾自莊嚴	故令護法作寬泰
令諸降魔伏外道	以光明手持善眾
勤加勇猛常征罰	攻彼迷徒害法者
清淨善眾持戒人	各願加歡及慈力
我今略述名伎藝	諸明使眾益法者
其有聽眾相助人	與法齊安無障礙
救拔詮者破昏徒	摧伏魔尊悅淨眾

## 歎無上明尊偈文

法王作之

我等常活明尊父 隱密恒安大明處  
高於人天自在者 不動國中儼然住  
為自性故開惠門 令覺生緣涅槃路  
巧示我等性命海 上方下界明暗祖  
微妙光輝內外照 聚集詮簡善業體  
魔王惡黨競怒嗔 恐明降暗不自在  
苦哉世間諸外道 不能分別明宗祖  
輪迴地獄受諸殃 良為不尋真正路  
告汝明群善業輩 及能悟此五明者  
常須警覺淨心田 成就父業勿閑暇  
分別寥簡諸性相 及覺明力被掙縛  
於此正法決定修 若能如是速解脫  
世界諸欲勿生貪 莫被魔家網所著  
堪譽惠明是法王 能收我等離死錯  
照曜內外無不曉 令我等類同諸聖  
恬寂仙藥與諸徒 餌者即獲安樂[這-言+至]  
鍊於淨法令堪譽 心意莊嚴五妙身  
智惠方便教善子 皆令具足無不真  
奇特光明大慈父 所集善子因祖力  
搥鍾擊鼓告眾生 明身離縛時欲至  
究竟分折明暗力 及諸善業并惡敵  
世界天地及參羅 並由慈尊當解折  
魔族永囚於暗獄 佛家踴躍歸明界  
各復本體妙莊嚴 串戴衣冠得常樂

## 歎五明文

諸慕閣作

有兩疊

敬歎五大光明佛 充為惠甲堅牢院  
世界精華之妙相 任持物類諸天地  
一切含識諸身命 一諸眼見耳聞音  
能為骨節諸身力 能為長養諸形類

復作諸舌數種言	又作諸音數種聲
亦是心識廣大明	能除黑暗諸災苦
一切仁者之智惠	一切辦者之言辭
能作身貌端嚴色	能為貴勝諸福利
復作上性諸榮顯	又作勇健諸伎能
是自在者威形勢	是得寵者諸利用
一切病者之良藥	一切競者之和顏
能作萬物諸身醇	能為依止成所辦
復是世界榮豐稔	又是草木種種苗
春夏騰身超世界	每年每月充為首
若有智惠福德人	何不思惟此大力
常須護念真實言	恒加怕懼勿輕慢
覺察五大光明佛	緣何從父來此界
了知受苦更無過	善巧抽拔離魔窟
是即名為有眼人	是即名為智惠者
停罷一切諸惡業	遂送還於本宗祖
齋戒堅持常慎護	及以攝念恒療治
晝夜思惟真正法	務在銓澄五妙身
其有地獄輪迴者	其有劫火及長禁
良田不識五明身	遂即離於安樂國

## 歎五明文 第二疊

復告善業明兄弟	用心思惟詮妙身
各作勇健智船主	渡此流浪他鄉子
此是明尊珍貴寶	咸用身船般出海
勤醫被刻苦瘡疣	久已悲哀希救護
請各慈悲真實受	隨即依數疾還主
貴族流浪已多年	速送本鄉安樂處
端正光明具相子	早拔離於貪欲藏
幽深苦海尋珍寶	奔奉涅槃清淨王
抽拔惡刻出瘡痍	洗濯明珠離泥溺
法稱所受諸妙供	莊嚴清淨還本主
夷數肉血此即是	堪有受者隨意取
如其虛妄違負心	夷數自微無雪路
憶念戰慄命終時	平等王前莫屈理
法相惠明餘諸佛	為此明身常苦惱
過去諸佛羅漢等	並為五明置妙法

今時雄猛忙憊尊 對我等前皆顯現  
汝等智惠福德人 必須了悟憐愍性  
勤行醫藥防所禁 其有苦患令瘳愈  
戒行威儀恒堅固 持齋禮拜及讚誦  
身口意業恒清淨 歌唄法言無間歇  
又復真實行憐愍 柔和忍辱淨諸根  
此乃並是明身藥 遂免疼悛諸苦惱  
流浪他鄉一朝客 既能延請令歡喜  
莊嚴寺舍恒清淨 勤辦衣糧雙出海

### 歎明界文

凡七十八頌分四句

未冒慕閣撰

我等上相悟明尊 遂能信受分別說  
大聖既是善業體 願降慈悲令普悅  
蒙父愍念降明使 能療病性離倒錯  
及除結縛諸煩惱 普令心意得快樂  
無幽不顯皆令照 一切祕密悉開揚  
所謂兩宗二大力 若非善種誰能祥  
一則高廣非限量 並是光明無暗所  
諸佛明使於中住 即是明尊安置處  
光明普遍皆清淨 常樂寂滅無動俎  
彼受歡樂無煩惱 若言有苦無是處  
聖眾法堂皆嚴淨 乃至諸佛伽藍所  
常受快樂光明中 若言有病無是處  
如有得往彼國者 究竟普會無憂愁  
聖眾自在各逍遙 拷捶囚縛永無由  
處所莊嚴皆清淨 諸惡不淨彼元無  
快樂充遍常寬泰 言有相悛無是處  
無上光明世界中 如塵沙等諸國土  
自然微妙寶莊嚴 聖眾於中恒止住  
彼諸世界及國土 金剛寶地徹下暉  
無始時來今究竟 若言震動無是處  
在彼一切諸聖等 不染無明及婬慾  
遠離癡愛男女形 豈有輪迴相催促

聖眾齊心皆和合  
釋意逍遙無障礙  
伽藍處所皆嚴淨  
生死破壞無常事  
彼無怨敵侵邊境  
魔王縱起貪愛心  
金剛寶地極微妙  
諸聖安居無障礙  
聖眾嚴客甚奇特  
將此百千日月明  
內外光明無暗影  
遊行勝譽金剛地  
所著名衣皆可悅  
聖眾衣服唯鮮潔  
此界名花皆採集  
然彼服飾更加倍  
彼諸寺觀殿塔等  
飲食餽饌皆甘路  
琉璃究竟不破壞  
諸聖普會常歡喜  
花冠青翠妙莊嚴  
肉舌欲歎叵能思  
聖眾體輕恒清淨  
不造有為生死業  
彼聖清虛身常樂  
既無夢想及顛倒  
聖眾常明具妙惠  
無邊世界諸事相  
諸聖心意皆真實  
身口意業恒清淨  
世界充滿諸珍寶  
伽藍廣博無乏少  
飢火熱惱諸辛苦  
永離飢渴相惱害  
百川河海及泉源  
若人不漂及不溺  
諸聖安居常快樂  
怨憎會苦彼元無  
分折分劍無由至  
亦不願求姪慾事  
彼無相害及相非  
光明界中都無此  
亦無戎馬鎮郊軍  
於明界中元無分  
無量妙色相暉曜  
永離銷散無憂惱  
光明相照體暉凝  
彼聖毛端光尚勝  
妙體常暉千萬種  
彼則無有毫釐重  
不因手作而成就  
縱久不朽無虫蝮  
喻彼微妙端正相  
奇特莊嚴色無量  
妙寶成就無瑕釁  
國土豐饒無饑饉  
一戴更無脫卸期  
永無苦惱及相離  
相映唯鮮不萎落  
妙色無盡不淡薄  
手足肢節無擁塞  
豈得說言有疲極  
金剛之體無眠睡  
豈得說言有恐懼  
健忘無記彼元無  
如對明鏡皆見覩  
詐偽虛矯彼元無  
豈得說言有妄語  
無有一事不堪譽  
豈得說言有貧苦  
明界常樂都無此  
彼亦無諸鹹苦水  
命水湛然皆香妙  
亦無暴水來損耗  
國土堪譽不相譏  
亦不面讚皆相毀

慈悲踴躍相憐愍	妬嫉諸惡彼元無
行步速[跳-兆+庚]	疾逾風 四肢癱緩無是處
神足運轉疾如電	應現十方無障礙
奇特妙形實難陳	諸災病患無能害
迫迮諸災及隘難	恐懼一切諸魔事
戰伐相害及相殺	明界之中都無此
世界常安無恐怖	國土嚴淨無能俎
金剛寶地無邊際	若言破壞無是處
彼處寶樹皆行列	寶菓常生不彫朽
大小相似無虫食	青翠茂盛自然有
苦毒酸澁及[黑*尚]	黑 寶果香美不如是
亦不內虛而外實	表裏光明甘露味
寶樹根莖及枝葉	上下通身並甘露
香氣芬芳充世界	寶花相映常紅素
彼國園苑廣嚴淨	奇特香氣周園圃
瓦礫荊棘諸穢草	若言有者無是處
彼金剛地常暉耀	內外鑒照無不見
寶地重重國無量	徹視間間皆顯現
香氣氛氳周世界	純一無雜性命海
彌綸充遍無障礙	聖眾遊中香妙最
虛空法爾無變易	微妙光雲無影礙
湛然清淨無塵翳	平等周羅諸世界
彼界寶山億千種	香烟涌出百萬般
內外光明體清淨	甘露充盈無邊畔
泉源清流無間斷	真甘露味無渾苦
聖眾充飽無欠少	若有渴乏無是處
妙風飄蕩皆可悅	和暢周迴遍十方
輕拂寶樓及寶閣	寶鈴寶鐸恒震響
光明妙火無可比	妙色清涼常暉曜
赫爾恒存不生滅	奇特暉光實難類
火體清虛無毒熱	觸入於中不燒煮
彼無灰燼及烟煤	若言焚燎無是處
彼處殿堂諸宮室	皆非手作而成堅
不假功夫法自爾	若言修造無是處
所從寶地涌出者	皆有見聞及覺知
得覩無上涅槃王	稱讚歌揚大聖威
彼處暗影本元無	所有內外明無比
一切身相甚希奇	於寶地者恒青翠

聖眾形軀甚奇特 高廣嚴容實難思  
下徹寶地無邊際 欲知限量無是處  
彼聖妙形堪珍重 元無病患及災殃  
有力常安無衰老 說彼無損體恒強  
若非大聖知身量 何有凡夫能算說  
金剛之體叵思議 大小形容唯聖別  
聖眾色相甚微妙 放大光明無邊所  
無始現今後究竟 若言身壞無是處  
人天聖凡諸形類 叵有肉舌能讚彼  
諸佛性相實難思 金剛寶地亦如是  
聖眾常樂無疲極 珍重榮華究竟悅  
身相微妙恒端正 內外莊嚴實難說  
聖眾光明甚奇異 無有間斷互相暉  
彼聖齊心皆和合 若言分折元無是  
諸聖嚴容微妙相 皆處伽藍寶殿閣  
起意動念諸心想 普相照察無疑錯  
光明界中諸聖等 其身輕利無疲重  
妙形隨念遊諸刹 思想顯現悉皆同  
聖眾齊心恒歡喜 演微妙音無停止  
讚禮稱揚無疲厭 普歎明尊善業威  
讚唄妙音皆可悅 其聲清美皆安靜  
上下齊同震妙響 周遍伽藍元不寧  
其音演暢甚殊特 遍互歌揚述妙德  
諸聖快樂皆究竟 常住恒安無疲極  
光明寶地無邊際 欲尋厓岸無是處  
元無迫迮及遮護 各自逍遙任處所  
聖眾齊心皆和合 元無分折爭名利  
平等普會皆具足 安居廣博伽藍寺  
伽藍清淨妙莊嚴 元無恐怖及留難  
街衢巷陌廣嚴飾 隨意遊處普□□  
一切諸魔及餓鬼 醜惡面貌及形軀  
無始時來今及後 若言說有無是處  
鷄犬豬□及餘類 涅槃界中都無此  
五類禽獸諸聲響 若言彼有無是處  
一切暗影及塵埃 極樂世界都無此  
諸聖伽藍悉清淨 若有昏暗無是處  
光明遍滿充一切 壽命究竟永恒安  
珍重歡樂元無間 慈心真實亦常寬

常樂歡喜無停息	暢悅身意寶香中
不計年月及時日	豈慮命盡有三終
一切諸聖無生滅	無常殺鬼不侵害
不行姪慾無穢妊	豈得說言有癡愛
敗壞男女雄雌體	生死無常姪欲果
極樂世界都無此	處所清淨無災禍
光明界中諸聖尊	遠離懷胎無聚散
遍國安寧不驚怖	元無怕懼及荒亂
皆從活語妙言中	聖眾變化緣斯現
一一生化本莊嚴	各各相似無別見
國土大小皆相類	寺觀安居復無異
各放光明無限量	壽命究竟無年記
諸邊境界恒安靜	性相平等地無異
三常互大鎮相暉	彼言有暗元無是
斯乃名為常樂國	諸佛明使本生緣
無有三災及八難	生老病死不相遷
斯乃如如一大力	忙爾明使具宣示
能闡生緣真正路	聖眾普會得如是

第一句齋默結願用之。

稱讚忙爾具智王	及以五明清淨體
稱讚一切諸明使	及以護持正法者
過去一切慈父等	過去一切慕闍輩
過去一切拂多誕	過去一切法堂主
具戒男女解脫者	並至安樂普稱歎
亡沒沈輪諸聽者	眾聖救將達彼岸

右三行三禮至於亡沒聽者任依梵音唱亡人名然依後續。

一切信施士女等	於此正法結緣者
倚託明尊解脫門	普願離諸生死苦
今日所造諸功德	請收明使盡迎將
一切天仙善神等	平安遊止去災殃
一切法堂伽藍所	諸佛明使願遮防
內外安寧無障礙	上下和合福延長

第二凡常日結願用之。

稱讚忙爾具智王	及以光明妙寶身
稱讚護法諸明使	及以廣大慈父等
慕闍常願無礙遊	多誕所至平安住
法堂主上加歡喜	具戒師僧增福力
清淨童女策令勤	諸聽子等唯多悟

眾聖遮護法堂所 我等常寬無憂慮  
右三行三禮立者唱了與前偈結即合眾。  
同聲言我等上相。

我等上相悟明尊 遂能信受分別說  
大聖既是善業體 願降慈悲令普悅  
若我等上相既了眾人並默尊者即誦阿。  
拂利偈次云光明妙身結。

光明妙身速解脫 所是施主罪銷込  
一切師僧及聽子 於此功德同榮念  
正法流通得無礙 究竟究竟願如是  
此偈讚明尊訖末後結願用之。

大真實主 十二光王 眾妙世界  
微塵國土 常活妙空 堪褒譽地  
作光明者 忙爾尊佛 捨諸罪  
有礙無礙 或時本意 或隨他意  
身口思想 諸不善業 我等善眾  
及諸聽者 乞懺罪已 各如本願

此偈讚日光訖末後結願用之。

稱讚微妙大光輝 世間最上最無比  
光明殊特遍十方 十二時中作歡喜  
大力堪譽慈悲母 驍健踴猛淨活風  
十二船主五收明 及餘無數光明眾  
各乞愍念慈悲力 請救普厄諸明性  
得離火海大波濤 合眾究竟願如是

此偈讚盧舍那訖末後結願用之。

稱讚哀譽 蘇露沙羅 夷具足大夫  
金剛相柱 任持世界 充遍一切  
以自妙身 以自大力 利益自許  
孤棲寵子 我等今者 不能具讚  
唯願納受 此微啟訟 護助善眾  
常如所願

此偈讚夷數訖末後結願用之。

稱讚淨妙智 夷數光明者  
示現仙童女 廣大心先意  
安泰一切真如性 再蘇一切微妙體  
病者為與作醫王 苦者為譽作歡喜  
五收明使七船主 忙爾慈父光明者  
捨我一切諸愆各 合眾平安如所願

此偈讚忙爾佛訖末後結願用之。

稱讚褒譽	珍重廣大	彼真實主
最上光王	常明世界	及其聖眾
忙爾法王	明尊許智	諸聖許惠
從三界外	來生死中	蘇我等性
為大醫王	作平斷者	開甘露泉
栽活命樹	救同鄉眾	收光明子
於柔軟群	作當牧者	塘塹福田
滋盛苗實	於清淨法	作守護者
敬禮威德	慚愧深恩	對元上尊
對光明眾	深領大恩	慚賀大澤
實於我等	除大厄難	作大歡喜
我等今者	對於諸聖	誠心懇懺
一切從忙	爾佛邊所	

受上方法之鹽印 日夜堅持  
不敢輕慢 我等今者 於一淨名  
決定修行 究竟獲勝 如先本願

此偈凡莫日用為結願。

敬禮及稱讚	常加廣稱歎
讚此今時日	於諸時最勝
諸有樂性者	今時入香水
滲浴諸塵垢	皆當如法住
稱讚大威相	充遍於淨法
自是夷數佛	能蘇諸善種
稱讚真實主	大力忙爾尊
能活淨法體	能救諸明性
願以慈悲眼	普觀此淨眾
如斯最小群	如斯最小處
唯願自遮防	恒加力提策
礙身無礙體	內外常加被
我等淨法男	諸堅童女輩
及以諸聽者	究竟如所願

此偈凡至莫日與諸聽者懺悔願文。

汝等聽者	人各[跳-兆+互]跪	誠心懇切
求哀懺悔	對真實父	大慈悲主
十二光王	涅槃國土	對妙生空
無邊聖眾	不動不俎	金剛寶地
對日月宮	二光明殿	各三慈父

元堪讚譽 對盧舍那 大莊嚴柱  
五妙相身 觀音勢至 對今吉日  
堪讚歎時 七寶香池 滿活命水  
有缺七施

十戒三印法門。又損五分法身恒加費用。或斬伐五種草木。或勞役五類眾生。餘有無數愆違。今並洗除懺悔。若至無常之日。脫此可厭肉身。諸佛聖賢前後圍遶。寶船安置善業自迎。直至平等王前。受三大勝。所謂花冠瓔珞萬種妙衣串佩。善業福德佛性無窮讚歎。又從平等王所。幡花寶蓋前後圍遶。眾聖歌揚入盧舍那境界。於其境內道路平正。音聲梵響周迴彌覆。從彼直至日月宮殿。而於六大慈父及餘眷屬。各受快樂無窮讚歎。又復轉引到於彼岸。遂入涅槃常明世界。與自善業常受快樂。合眾同心一如上願。

此偈結諸願而乃用之。

梵音頌響 詞美殊佳 善業同資  
普及一切 上啟諸天聖眾 荷重光明  
願降大慈 增諸福力 捨我合眾  
之過及篤信聽人於一常名究竟安樂

此偈為亡者受供結願用之。

某乙明性 去離肉身 業行不圓  
恐沈苦海 唯願 二大光明  
五分法身 清淨師僧 大慈悲力  
救拔彼性 令離輪迴 剛強之體  
及諸地獄 鑊湯爐炭 唯願諸佛  
哀愍彼性 起大慈悲 與其解脫  
自引入於 光明世界 本生之處  
安樂之境 功德力資 依如上願

此偈爾逾沙懺悔文。

我今懺悔所。是身口意業。及貪嗔癡行。乃至縱賊毒。心諸根放逸。或疑常住三寶并二大光明。或損盧舍那身兼五明。於師僧父母諸善知識起輕慢心。更相毀謗。於七施十戒。三印法門。若不具修。願罪銷滅。

吉時吉日翻斯讚頌。上願三常捨過及四處法身。下願五級明群乃至十方賢哲宜為聖言無盡凡識有匡梵本三千之條所譯二十餘道又緣經讚頌願皆依四處製焉但道明所翻譯者一依梵本如有樂習學者。先誦諸文。後暫示之。即知次第。其寫者。存心勘校。如法裴治。其讚者。必就明師。須知訛殊於是法門蕩蕩。如日月之高明。法侶行行。若江漢之清肅。唯願皇王延祚。寥窳忠誠。四海咸寧。萬人安樂。

下部讚一卷

---

## [CBETA 贊助資訊](https://www.cbeta.org/donation/index.php)

[. \(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

## [前往捐款](#)

---

### 劃撥捐款

郵政劃撥帳號: 5 0 4 6 8 2 8 5

戶名: 財團法人佛教電子佛典基金會

欲指定特殊用途者, 請特別註明, 我們會專款專用。

---

### 線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

### [線上信用卡 / PayPal 贊助](#)

---

## 支票捐款

支票抬頭請填寫「財團法人佛教電子佛典基金會」。

For donations by check, please write the check to  
"Comprehensive Buddhist Electronic Text Archive  
Foundation".

---